

Mokoloto—Qeto ea Letsatsi le Letsatsi



SABATHA MANTSIBOEA

Bakeng sa Thuto ea Beke ena Bala:

Lipes. 37:21, Mattheu 4:3–10, Mattheu 6:33, Deutr. 28:12, Liprov. 13:11, Liprov. 21:5, 2 Bakor. 4:18.

Temana ea Khopolo:

“Neang batho bohle se ba tšoanelang: ea tšoaneloang ke lekhetho, le mo nee lekhetho; ea tšoaneloang ke seabo, le mo nee seabo; ea tšoaneloang ke tšabo, le mo tšabe; ea tšoaneloang ke hlomphe, le mo hlomphe. Le se ke la ba le molato ho motho, ha ese oa ho ratana; hobane ea ratang ba bang ke eena ea phethileng molao.” (Baroma 13:7, 8).

Ka nako tse ling u ka ba lehlohonolo ho lekana u fumane motho ea u alimang chelete. Mohlomong motho eno o etsa joalo ka sepheo se hloekileng—ke hore, o batla ho u inola mekolotong. Empa boholo ba nako, batho ha ba u alime chelete hobane ba u utloela bohloko. Ba u alima chelete hobane ba batla ho fumana e ngata (ea hau).

Re tlameha ho etsa sohle se matleng a rona ho qoba mokoloto. Ehllile, maemong a mang, a kang ho reka ntle kapa koi, ho aha kereke, kapa ho fumana thuto, re hloka ho alima chelete. Empa e lokela ho etsoa ka bohlae ka hohle kamoo ho ka khonehang, ka sepheo sa ho tsoa mekolotong, kapele ka moo ho khonehang. Empa re tlameha ho ba hlokolosi, ho sebelisa chelete eo re senang eona ke khoro ea hore batho ba Molimo ba “ba khalle le lerato ntho la ntho tsa lefatše hoba tsona tse busang limelo tsa bona. Ha fela limelo tse li ntse li busa, pholoho le mohau li chechella morao.”—Ellen G. White, *Early Writings*, leq. 267. Re lokela ho matlafatsa litsebo le bokhoni ba rona hore re lule re e-na le boitatolo le hore re etse sohle ho qoba mekoloto. Bekeng ena re tla shebang hore naa Bibe e reng ka mokoloto.

**Ithute Thuto ea beke ena ho lokisetsa Sabbatha sa la, 17 Hlakubele.*

HO Alima leho Sebelisa

Elisha le moporofeta ba ne ba roalla patsi mabopong a noka ea Jorodane ha “tšepe ea selepe sa hae e oela metsing, a meketsa, a re: jo! Mong a ka, etsoe sebe se alimiloe! (2 Kings 6:5). Leetsi “ho alima” le bolela ho sebelisa seo eseng sa hau ka tumello. Tumello ena e tla le mathata le boikarabello. Chelete e alimiloeng ha e ea fapana le selepe se alimiloeng, ntle fela le hore e kaba le litla-morao tse mpe-mpe ebang e sebelisoa hampe. Lebaka le le leng fela la ho alima chelete ke ho e sebelisa. Kotsi ea chelete eo re e nkang ka ho nahana hore rena le bokhoni ba ho e lefa le hore ha hona ba le mehlolo maemong a rona a lichelete ha khoeli e fela. Empa ha ho ea tsebang bokamoso (Moeklesia 8:7); ka hona, ho alima chelete ho lutse ho fupere kotsi.

Ke sefe seo litemana tse latelang li re bolellang sona ka mokoloto?

Lipes. 37:21

Moeklesia5:5

Deutr. 28:44, 45

Re ka 'na ra alima chelete ka sepheo sa ho e sebelisa hantle, empa teko ea ho sebelisa seo re nang le sona, le eona chelete e alimiloeng, e ka isa mathateng a maholo. Ehlile, ho sebelisa chelete e alimiloeng ho etsa hore bongata ba rona re phele kamoo re neng re keke ra phela kateng. Moleko oa ho alima u sebelise ke pelo ea moetlo oa baji o amang barui le bafutsana. Ha re lekoa, re lokela ho batlana le seo Molimo a se laetseng (1 Bakor. 10:13), hobane ho alima e kaba thohako (Deutr. 28:43–45).

Se ke oa qala tloaelo e mpe ea ho alimachelete. Haeba u na le eona, e lefe kapele-pele. Re tlameha ho ithuta ho sebelisa chelete hantle le hoba beng ba chelete ea Molimo, empa re se ke ra laoloa ke chelete ea lefatše. Hape, ho na le maemo ao re tlamehang ho alima chelete. Empa ho lokela ho etsoa ka seli le kelo-hloko le ka sepheo sa ho khutlisa sohle hang ha re khona etsa joalo.

Ke kotsi life tsa semoea tse teng bakeng sa motho ea tebe-tebeng e kholo ea mokoloto?

Boqhoku le Boikhotsofatso ba Hang Hang

“Eaba Jakobo o fa Esau bohobe le moapeho oaa linaoa; ’me a ja, a noa, a nto ikela. Esau o ne a nyelise boholoane ba hae joalo” (Genese 25:34). Esau e n’e le petsoa-majoeng e ratang phelo ba naheng le litaba-tabelo tsa hae. H’a utloa monko oa sopho ea ngoan’abo, a batla lierekisi hang hang, leha ho ka etsahala hore e be o n’a sha ke tlala. Kaho laoloa ke maikutlo le takatso, a lumella khatello ea nakoana ho imela hlola kelello, eaba o rekisa tokelo ea hae ea tlhaho bakeng sa ho ikhotsofatsa hang hang. H’a batla tokelo ea hae ea tlhaho e khutle, “o kile a e batla ka meokho” (Baheb. 12:17), h’a ka a e fumana.

Ho fapana le eena, re na le mohlala oa Jesu. Kamora ho itima lijo matsatsi a 40 a batla a oa fatše ke tlala, Jesu O ile a lekoa ke Satane makhethlo a mararo (Mattheu 4:3–10). Empa Jesu o ile a bona seo meleko e leng sona, le boemong boo a seng a fokola h’a ka inehela ho khaleng. Jesu o phetse bophelo bohle ba hae a hana menate ea sebe le ho ikhotsofatsa, ’me ka ho etsa joalo o bontšitse hore re ka ba le matla holima sebe, le rona. H’a ka a rekisa kapa ho lahlehela ke tokelo ea hae ea tlhaho, ’me o mema bohle ho ba karolo ea boja-lefa (Baro. 8:17, Tite 3:7). Re boloka tokelo ea rona ea tlhaho ka ho latela mohlala oa Jesu ao faneng h’a lekoa (1 Bakor. 10:13). Se betere ka ho fetisisa seo lefatše lena le ka re fang sona ke ho ba le maiphihlelo a mona hona joale, hobane le ka se re fe a kamora mona. Ho iphelela ke khanyetso ea ho phelela Molimo.

Ke sefe seo litemana tse latelang li se rutang mabapi le kotsi tse ka bang teng tse tlosoang ke boikhotsofatso ba hang-hang, ekasitana le bathong ba tšepahalang? 2 Sam. 11:2–4, Genese 3:6, Bafilii 3:19, 1 Johanne 2:16, Baro. 8:8.

Takatso ea ho ikhotsofatsa hang-hang ke letšoao la kelello e sa laoleheng; ke sera sa mamello se eisa litebello tsa nako e telele, boikarabello bo kobisang bo lemansang. Ho liehisa ho ikhotsofatsa ke tšiea e ithutoang; ke leneri la bophelo le re thusang ho hlokomela maemo le likhatello tsa bophelo, haholo-holo liteko tseo lefatše le fanang ka tsona, joaloka ho alima chelete ka booa-tla. Taba ena, leha ho le joalo, ha e ea tuma lefatšeng le ahiloeng ka ho itlopa khotsofalo ea hang-hang, ho lokisa ka pele, le likimi tsa ho rua ka pele. Hang ha re fumane maiphihlelo a khotsofalo ea hang-hang, re chocholong ea ho khetha moputso oa nako e khutšoane hape, e be hape-hape, hape-hape. . . . Liqhoku tsa lineo tseo Molimo A re fileng tsona ha li’a tlameha ho oela lemeneng leo.

Ho Phela ka Seo u se Khonang

“Letlotlo le lakatsehlang le mafura li ka tlung ea ea bohlaile; empa leoatla le li metsa fela” (Liprov. 21:20). Temana ena e bapisa boqhoku ba boikarabello ba moruo le ba ho phela mabotšo-botšong le ho senya chelete. Lithoto ha li etse meralo ea letho ea ho phela ka seo li nang le sona. Li sebelisa sohle seo ba nang le sona ka meharo, le lichelete tse alimiloeng, ba utloa ho ba bohlaile tšebelisoeng ea lichelete kapa ho sebelisa chelete hanyenyane e le ntho’e thata, joaloka lijo tse mpe. Empa leha re hloka ho alima chelete, e kang bakeng sa ntlo, re tlameha ho etsa joalo ka hlokolosi re hlokomele hore re lokela ho lekanoa ke seo re nang le sona.

Morui a ka phela ho latela seo a nang le sona kaha o na le leruo. Bothata ba hae ke hore o lutse a khathatsehile ka leruo la hae le kamoo a ka le hlokomelang kateng. Ha batho ba e na le se fokolang ba phela ka mokholo oa khoeli le khoeli, ba khathatseha ke hore na ba tla phela joang, eseng borui. Leha ho le joalo, Bibe e fana ka keletso ea ho phela u lekanoa ke seo u nang le sona, ho sa khathalehe hore na u na le se sekae. Paulosi o khotaletsa seo re nkang e le ho khotsofala ho feteletsoang: “Me ha re e na le lijo le liaparo [ho ka kenyeletsa matlo], a re kholoeng ke tsona” (1 Timo. 6:8). Paulosi ha a nke maruo a lefatše a le bohlokoa hakalo ka lebaka la Hae, ho phela ho Krete ho lekane (Bafili 1:21).

Ke tšiea efe e lokelang ho lula e hopoloa pele ho eng kapa eng? Mattheu 6:33. Re ka ba le bonnte ba hore re phela maphelo a rona tjee joang?

Re lokela ho nahana ka tseo re nang le tsona e se phaello empa thepa eo re nang le boikarabello ba ho e jara. Bajete ke leano leo re tlamehang ho le sebelisa ho fihlela sepheo sena. Ho etsa bajete ke bohlaile bo ithutoang bo lokelang ho ithutoa ka hloko. Boikoetliso le boitaolo bo feletseng li’ a hlokeha hore u atlehe ho okamela moralo oa lichelete o nang le teka-tekano (Liprov. 14:15). Haeba re etsa boitlamo ba ho atleha moralong oa boqhoku ba lichelete, re tla khona ho qoba liphoso tse tsa lichelete tse tlontlolang. Haeba u na le mathata ka ho sebelisa lichelete hantle, etsa bajete. Ha e ea tlameha ho ba thata. E ka ba ntho’e bonolo joaloka ho etsa kakaretso ea litšenyehelo tsa hau khoelinyaneng tse fetileng ebe o e arolela khoeli le khoeli. Taba-kholo ke ho lekanoa ke seo u nang le sona, ho le joang kapa joang, le ho etsa sohle se matleng a hau ho qoba mokoloto.

Bala Luka 14:27–30. Jesu mona o hlalosa tefo ea borutuo ka ho fana ka mohlala oa seahi se etsang khakanyo ea litjeo tsa ho aha tora le se ka etsahlang ebang se sa e qete. Ke thuto efe ea boqhoku eo re ka inkelang eona moo?

Ho re Che Mokolotong

Bala Deutronoma 28:12. E re bolellang malebana le ho le ho qoela mokolotong? Ke motheo ofe oo re bonang o sebetsa moo?

Ke taba ea tšebeliso ea kelello hore u qobe mokoloto ka hohle kamoo u ka khonang. Bibe e re khalemella ho itlama ka melato ea ba bang (Liprov. 17:18, 22:26). Mokoloto o nolofatsa bokamoso le ho etsa hore re inehle ho tse hlokoang ke oona ka baka la maemo a rona a tetemang licheleteng. Ke makhona-tsohle eo Bakreste ba fumanang ho le thata ho a qoba le ho a laola. Mokoloto e ka 'na ea se be ntho'e mpe, empa ha o matlafatse bophelo ba rona ba semoea. "Ho tlameha hoba le kelo-hloko e kholo malebana le moruo hoseng joalo le tla kena mokolotong o boima. Itlame mala-masesane. Baleha sekoloto joalokaha u baleha lepera."—Ellen G. White, *Counsels on Stewardship*, leq. 272.

Mokoloto e kaba moroalo oa lichelete o re etsang "bafo ba ea re alimang" (Liprov. 22:7). Kaha mokoloto o lohelletsoe le seaparo sa lefatše la rona la moruo, re nahana ka ona e le tsela ea ho phela fela. Ka holimo ho tsohle, lichaba tsohle li teng ka baka la mokoloto; ke'ng batho ba ke ke ba etsa joalo le bona? Hona ke kutloisiso e mpe eo re ka bang le eona. "Etsa selekane se tiileng le Molimo sa hore ka tlhohonolofatso ea hae u tla lefa mekoloto ea hau e be ha u kolote mang kapa mang le ka mohla haeba u phela ka papa le moroho. Ho bonolo haholo ha u lokisa tafole ea hau hore u ntše lisente tse 25 bakeng sa tse ka hlahang. Hlokomela lisente, Maloti a tla ithokomela. Ke lisentjana mona le mane tse sebelisetsoang sena, sane le sane, tse phakisang hoba Maloti. Iketse sehlabelo bonyane ha u ntse u sesa hara mokoloto. . . . se ke oa thekesela, oa khathala matla, kapa oa hetla. Tima takatso ea hau, tima boitlopo ba litakatso, boloka lisente tsa hau u lefe mekoloto. E fetise kapele ka moo u ka khonang. Ha u ka boela oa ema u le motho ea lokolohileng, u sena motho eo u mo kolotang, u tla be u le mohloli."—Ellen G. White, *Counsels on Stewardship*, leq. 257.

Mokoloto ke motheo o sa tsitsang haeba Mokreste a ema ho oona. O ka senya semoea sa rona le ho ba le khahlamelo bokhoning ba rona ba ho tšehetsa mosebetsi oa Molimo. O re hlakola bokhoni ba rona ba ho fana ho ba bang ka sebete le ho re utsoetsa litlhohonolofatso tsa Molimo.

Tse ling tsa khetho tseo u ka li etsang hona joale tse ka u thusang ho qoba mokoloto ofe kapa ofe o sa hlokeheng? Mohlomong u lokela ho itima eng hore u tsoe mokolotong?

Ho Boloka le ho Tsetela

Bohloa bo sebeletsa ho bokelletsa bakeng sa mariha (Liprov. 6:6–8). Re bohlale e bang re khetha ho ipokellela lichelete nako eohle bakeng sa sepheo se itseng. Taba ea ho boloka ke hoba le chelete bakeng sa lithoko tsa rona tsa ho phela ho e na le ho e senya kapa ho e tsetela. Ho laola chelete hantle ho hloka bohlale, ho bajeta, le boitaolo. E bang sohle seo re se etsang ke ho ipokela, re lula re utsoa matlotlo a Molimo ho e na le ho ba liqhoku tsa oona. “Chelete e sebelisoang hampe ke tahlehelo e kholo. Ha e tsamee fela, empa bokhoni ba hore e tlise e ’ngoe bo ile le bona. Ebang re ne re e beheletse kathoko, e kabe e ile ea eketscha lefatšeng kaho bolokoa kapa leholimong ka ho fanoa. . . . Ho boloka ke taolo e holisang bokhoni ba ho hlokomela chelete. Ho ena le ho lesa chelete ho re isa hohle moo sekhahla sa litakatso se re isang, re tšoara litomo.”—Randy C. Alcorn, *Money, Possessions and Eternity* (Carol Stream: Illinois, Tyndale House Publishers, 2003), leq. 328.

Bala Liproverbia 13:11, Liproverbia 21:5, le Liproverbia 13:18. Ke mantsoe afe a etsahalang bophelong a teng moo bakeng sa rona a ka re thusang ho etsa betere tabeng tsa rona tsa lichelete?

Liqhoku li boloka bakeng sa lithoko tsa lelapa ’me li tsetela leholimong ha li hlokometse thepa ea Molimo. Ha se hore na motho o na le tse kae, empa ho ba le leano la Bibe le sebetsang, ho sa natsoe hore na maemo a hao a lichelete ke afe. Ho boloka bakeng sa lithoko tsa lelapa ho lokela ho etsoa ka bohlale. E le ho fokotsa sekhahla sa tahlehelo efe kapa efe, hloaea kotsi tsohle tse ka hlahang (Moeklesia 11:1, 2). Sebeletsa ho fokotsa likotsi pele ho tseo u li batlang (Liprov. 24:27) le ho batla keletso ea litsebi (Liprov. 15:22) ke lisebelisoa tse peli tse atlehang mokhoeng ona. Ha lithoko li arabeloa moruo ooa hola, re tlameha “ho hopala Jehova Molimo oa hau, hobane ke eena ea u neang matla a ho rua lintho tseo” (Deutr. 8:18). Mokha o sireletsehileng ka ho fetisisa qhokung ea Molimo ke ho tsetela “’musong oa Molimo” (Mattheu 13:44). Ha ho ho putlama ha moruo, likotsi, masholu, kapa ho chona. Ho tšoana le ho ba le sepache se ke keng sa taboha (Luka 12:33). Ho amohela Krete ho bula akhaonto, ’me ho khutlisa boshome le ho fana ka likabelo ke ho nokela akhaontong. Ke hore, le ha re lokela ho hlokomela ntho tsa rona tsa lefatšeng tse kang ho lefa bile ea metsi, re ntse re tlameha ho lula re behile maikutlo linneteng tsa ka ho sa feleng.

Bala 2 Bakorinthe 4:18. Ke joang re ka lulang re beile ’nete ee kapela rona kamehla ha ka nako e tšoanang re phela re le liqhoku tse nang le boikarabello moo?

Ho Ithuta Haholoanyane:

Bokhoni bo bong le bo bong ba tlaho, tsebo, kapa neo, e tsoa ho Molimo, hore na re hlahile re se ntse re e na le eona, re susumelitsoe le ho rutoa ke tikoloho ea rona, kapa li le peli. Karolo ea bohlokoa tabeng ena ke seo re se etsang ka bokhoni ba rona le Itsebo tseo re nang le tsona. Molimo O lebeletse liqhoku ho ithuta ho ipabola moo ba nang le lineo le bokhoni, kaho kena sekolo le maiphihlelo a bophelo. (Moeklesia 10:10). Betsaleele o ne a “tlatsitsoe ka moea oa Molimo, ka bohla le kutloisiso, ka tsebo ea ho etsa mesebetsi eohle” (Exoda 35:31). Eena le Oholiabe (Exoda 35:34) ba ne ba e na le bokhoni ba ho ruta ba bang mesebetsi ea bona.

Re ka ithuta ho liqhoku tse betere, 'me ka ho khetholoha, ho tsoa mekolotong ha re ntse re phela lefatšeng lena la matlotlo. Re lokela ho lula re nontša tsebo ea rona ka ho bala, liseminara, ho kena sekolo, (ha ho khonahala), le ho etsa seo re ithutileng sona. Ho holisa litsebo ta rona ho re thusa ho ba liqhoku tse tšepahalang. Setšoantšo sa litalenta se bontša hore mohlanka e mong le e mong o ne a fuoe litalenta “ho ea ka matla a hae” (Mattheu 25:15). Bahlana ba babeli ba menahanya tseo ba nang le tsona habeli; oa boraro a tsetela ea hae mobung. Re lokela ho lula re loanela ho matlafatsa seo re nang le sona, empa ho tsetela talenta ho no sa bontše bokhoni kapa talenta. Ho hlokomela chelete, ho tsoa mekolotong, ho ba le tloale ea boitaolo, le maiphihlelo a phelang li holisa bokhoni bo hloholofatsoang ke Molimo. Ho atleha le ho ba khabane ho se itseng, re tlameha ho e pheta khafetsa khafetsa. “Ha lithuto tsa Bbele li bonahatsoa maphelong a letsatsi le letsatsi, li na le tšusumetso e tebileng ea nako e telele semelong. Lithuto tsena ke tseo Timothea a ithutileng tsona le ho li etsa. O ne a sena talenta tse ikhethang tsa bohla, empa mesebetsi oa hae o ne o le bohlokoa kaha o ne a sebelisa bokhoni boo a ba fuoeng ke Molimo bosebeletsing ba monga hae.”—Ellen G. White, *The Acts of the Apostles*, leq. 205.

Lipotso Tsa Ho Qoqoa:

1. Leha boitaolo bo lutse bo le bohlokoa ho Mokreste, bo bohlokoa haholo moo bosieo ba bona bo ka isang mathateng a lichelete, kapa tšenyeho. Re le kereke, re ka etsa'ng ho thusa ba ka bang kotsing ea bothata boo?
2. Bala Baroma 13:7, 8. Ke joang re ka sebelisang mantsoe aa maphelong a rona a letsatsi le letsatsi, le hohle moo re kopa-kopanang le ba bang?
3. Ba bang ba etsa khang ea hore ha rea lokela ho khathatsoa ke ho kena mekolotong, hobane ho se ho se hokae Jesu a khutla. U ka arabela taba ee joang?